

龍城舊聞

2014.30.19

941



黑龍江報千禧增刊
馨若題



黑龍江報子佈

龍城舊聞

魏新女

弁言

蓄道德而後能文章。輓近世衰道微言與德離著作之才盈天下其蔽也偽文章汎濫禍深於洪水橫流可懼也。蘭兒書來黑龍江報千號增刊意在介紹舊聞述而非作既題其篇更詔數語於後曰述亦未易言矣。寧實母華寧闕母濫寧取材前人以求實錄母譁張已意作偽以欺世。以此言述其庶乎民國八年二月朔輯五老人書於徐鄉之平山吟館

黑龍江報千號增刊序

齊齊哈爾城建自清康熙中葉二百年來以右武稱披甲之士都統而將軍者踵相接人旗籍家滿文志乘闕如文獻無徵庚子拳匪之禍波及東鄙中經羅刹兵燹掌故飄零考古者難言之近呼蘭府志刊行黑龍江省於是乎有志書然此外無聞焉齊齊哈爾前人間有專箸僅卜魁風土記卜魁紀略一二種吉光片羽語焉而不詳吾人橐觚塞上無書可讀埋頭報務踪跡復不能及遠懷舊蓄念採訪維艱或得諸故老傳聞或參以私家著述或網羅散佚旁挹羣言久之筆記盈篋燦然略備益以身經目覩之政局變遷人物臧否凡地理歷史土物風俗以及軍警法學之科墾礦漁林之業一切內政外交與夫金石詩歌貨殖方伎之屬兼收並蓄鍥而不舍積時閱六寒暑計稿得百萬言分類約廿餘種統名曰龍塞叢編惜僕僕文字役修纂無暇故付梓尙有待焉今值黑龍江報出版千號爰抽摛舊聞數十種爲增刊紀念名曰龍城舊聞助新聞之餘

龍城舊聞

序

黑龍江報
千號增刊

興也又限於篇幅凡所紀錄祇以齊垣爲限他不備載雖零星拾綴不值大雅一矇未始非採風者輶軒之助試登魁嶺憑弔肅慎故墟緬懷扶餘赫鞠室韋勿吉諸國之分合而求遼金元清歷代興亡之故例天演而級人羣恍然於古今得失之林借鑑之資是則作者餉遺社會之微意風雨一編江山半壁爲覽古者一執介紹之役可乎馨若識於黑龍江報社時民國八年己未三月

海濤卷地鯨鮪吼大野極天風雲陡窮荒間阻今豁然一紙飛騰不脛走憶昔
囊劍游龍沙學說政論兩無有是時文字禁猶張金人三緘各自守豈知正論
不得伸橫議反借外人口言論之權豈尋常華袞鈇鉞一反手操之於人奈我
何非者是之可者否亦有憤時憂國人不惜筆舌與擊楫植基不堅作計疏蹶
躓往往相先後不然無文行不遠徒供人間覆醬瓿老我乘邊餘十年愧領政
教作樞紐私痛輿論無主張俗於何成民何歸觥觥魏子人中豪大筆淋漓氣
抖擻董南直聲人所欽遠東大勢稔之久願以微言啓邊蒙國權民約爲解剖
我聞此語意軒昂茲事不成責在某如裘爲之集其腋如書安忍掣其肘黑龍
江報挺然生歲在乙卯月丁丑駭浪滔天濟有船亂雲排空掃有帚從此邊隅
侈開通遼云齊魯非吾耦邊疆日日警風鶴天上白雲變蒼狗世事翻覆誰能
知舊游不堪重回首那知劫火灰燼中片紙歸然竟不朽日新月異歲不淹千
章風行豈云偶爆竹聲聲近新年屠蘇家家饋歲酒白山黑水夢想存遙祝山

龍城舊聞

題詞

黑龍江報
千歲增刊

水與同壽

涂鳳書奉題

賀新涼

一片斜陽裏回首千戈滿目遺煙湘壘隆準無人王氣歇狐鼠喧闐未已觀
不盡淒涼羅綺鐵騎縱橫關塞遠莽英雄豎子成名矣角聲咽秋雲紫萬言
書策劍三尺痛蒼生晨鐘暮鼓毫端振起飲罷中山千日酒字字龍蛇耀紙徧
傳誦黃沙黑水復社東林雖有願奈鈞天猶作沈酣睡謹拜祝公民意

黑龍江省議會敬題

千秋歲

龍江疇昔曩爾一荒域民氣弱民智塞幸逢斯報出獨樹民先則進化速灌輸
端賴言論力堪羨董狐筆勝是千毛瑟泯黨見主公直晨鐘警濁世美譽環
球溢紀念日歡呼萬歲慶永錫

桂從周敬題

莊以叔子歸一坊外題詞
黑水得二斗半壞親提一
旅中遇搖於原回古語與
浦百里相傳布庫在為上
於今之書行史代客從古
重姬去取村漢江收其經
節從甚急款補道

鮑岑所書題

猗維貴報震耀遠東發皇輿論一秉至公持茲木鐸振賸發聾龍沙馳譽如日方中

東三省
巡閱使張作霖題

揭發正義指導國民勃興文化月異日新

川廣湖江四
省經路使曹錕題

董筆逾直愈文比雄夾輔政治殊途同功

吉林
省長郭宗熙題

邊徼僻遠民智饒荒發蒙振賸功匪尋常董狐史筆彪炳喬皇掇詞以祝默蒸心香

司法部
總長朱深題

具正法眼豁星斗胸樹義惟大取材必豐網羅衆說一是折衷牖民匡政啓若涪蒙

江西
省長楊慶堃題

久欽椽筆詞藻騰翔民言代表輿論闡揚光明正大富麗堂皇教之木鐸國之紀綱

察哈爾
都統田中玉題

龍城舊聞

題詞

黑龍江報
千號紀念

泚泚大筆言論之宗吐爛揚輝如炳燭龍風行電掣超逸絕蹤三千毛瑟視此詞鋒

黑龍江政
務廳廳長鄭謙題

公是公非旁通發揮古之遺直羣望所歸

黑龍江財
政廳廳長董士恩題

發聾振賸邊隅嘉惠實大聲宏其文炳蔚

黑龍江實
業廳廳長魏紹周題

興安嶺麓李古江涓一聲霹靂文物斯滋大破羣蒙不脛而馳取材宏富有口皆碑

黑龍江警
務處處長張仁題

高談雄辯吞吐大荒春秋之筆雲漢爲章既詳且實亦柔亦剛言滿天下于邦有光

龍江
道尹王樹翰題


多文爲富持論不頗涪我民智起我民疴龍江浩淼魁嶺嵯峨前途萬歲視此

山河

龍江縣
知事鍾毓題

鐵
道

平
英



德

品

當
波

東

止

東

止

一

寶

柱

此

黑龍江報館十號紀

念敬制十六字為誦

朱慶瀾



江流一柱

陳幹

閣議鳳翔

東坡霖題

扶天地之正氣
為人文之所宗

日本東京大學圖書館藏

獨

大

子

法

孟子

龍城舊聞凡例

- 一 是編介紹舊聞述而非作江省無志乘可考文獻不足但憑口耳訊聞則言不雅馴且多訛舛前人如有記述不能不據以取材亦所以昭實錄也
- 一 記載時期斷自齊齊哈爾建城始訖清季止近聞不錄
- 一 記載範圍以齊垣爲限其有關係全省者亦連類及之
- 一 是編緣起原爲黑龍江報千號增刊之作凡關千號贈言應列入以志不忘惟來件繁多不及備載謹將增刊題詞登諸卷首其贈言概揭之報端
- 一 是編取材僅由龍塞叢編中抽摘舊聞數十種(詳叙文)爲增刊資料此外若地理物產及一切政治典制均從闕挂一漏萬歎仄滋多擬俟報務稍暇即續刊叢編用彌茲憾
- 一 江省沿革紛繁形勢與他省不同自虞廷肅慎入貢至清始隸版圖中經歷代各國之分合必一一考訂之非寥寥短章所能備舉茲爲篇幅所限

龍城舊聞

凡例

僅撮大要揭之篇首餘詳叢編

- 一 齊垣古蹟本寥落無聞又無載籍可稽就耳目所及參以前人所記略具於此當世博雅幸垂教焉
- 一 人物籍貫以齊垣爲限若今昔名宦開管傳其生平或記其一節均詳載叢編茲從略至本省鄉宦有事迹素著而籍居他城者間亦採入惟傳乘既闕後之人數典忘祖多不能詳其先世其知者與耳謀所知亦僅或一紙履歷珍爲家藏之秘此外更無可據是編所載雖未詳於詳備然採訪殊非易易後有所得載入叢編以待續刊
- 一 齊垣民族綦繁禮俗亦各爲風氣呼蘭府志所載提綱挈領有條不紊故是編因之益以夙所見聞或隨事加以考證雖詳盡未能而民俗已可概見至山居邊民如鄂倫春等族風俗太古另有專記以不在齊垣範圍故從略

- 一 迷信之談爲文明民族所不道然風俗習慣不能略而不載是編中如七寸子等說爲有爲無既未躬親調查姑誌所聞付諸妄言妄聽之列
- 一 文藝限於篇幅不能以多爲貴凡古今人之著作有可錄者悉於叢編中續刊之
- 一 是編倉猝纂訂加以江省印刷工料備極困難以云完美固未遑也

龍城舊聞

凡例

二

黑龍江報
千號增刊

龍城舊聞目錄

弁言

序

題詞 附詞字

凡例

卷一

沿革大要

建置始末

附齊齊哈爾城考 風吹卜魁之神話

卜魁音義

古蹟

將軍廟 將軍府 大人府 火器營 水師營 演武廳 稅課司 各局所倉庫

營汎學舍建設年月地址表 孔廟 關廟 城隍廟 普恩寺 各廟祠建修年月

龍城舊聞目錄

黑龍江報
千號增刊

地址表 恩公祠 古塔 紅豆山房 芍藥廳 官溝 北關集 木葉山 蛇洞

七金山 窰水 九龍巷 古城 船套行館 彌樓 總督墳 將軍墓 王工

部墓 蒙古墳 將軍坊 賢孝牌 塔將軍馬場 梅楞屯 尼堪外蘭故墟 西

站 虎谿 呂氏故宅 詩社 經義書屋 放鶴園 龍坑 藤廠

古器(附)

古印 古鐘 骨披箭 箭鏃 鑼鍋 人皮弓 珂木瓜 古礮 火鏹 布楞

古曲 黑水干城 福壽字 古董街

附東湖別墅龍沙公園

卷二

人物

鄉宦

達克薩哈 塔爾岱 (附滿洲氏族考) 阿爾賽 海蘭察 德英阿 富勒洪額 阿

滿泰 莽喀察 富明阿 (附揚城去思碑) 色爾固善 富隆額 烏力布 德興阿

吉爾洪額 烏爾袞布 舒通額 溫德勒克西 善慶(附御賜祭文) 多隆阿 穆圖善(附壽文及德政碑) 巴楊阿 成慶 壽山(附遺奏)

附記

倫布春 富永阿 穆克德布 勒爾克善 托克托布 托克通阿 阿蘭保 田屯 沙普 紐倫 恭泰 阿穆勒塔 崔琿 崔巍 崔璠 果德興 達呼爾林 延順 湯克音

名宦(附)

清黑龍江將軍任期表 清齊齊哈爾副都統任期表

附記

方觀承 訥爾樸 龔光瓚 王霖 蔡毓榮 李錕 傅鼎 李仁山 齊某 章汝楠 世臣 宋樹穀 王性存 李慎吉 范如松 武詡 民族(附)

龍城舊聞

目錄

一一

黑龍江報 千號增刊

漢人 漢軍 水師營人 站丁 屯丁 滿洲 蒙古 索倫 達胡爾 巴爾虎 瓜爾察 錫伯 額魯特 他賁 鄂倫春 奇勒 布萊雅 札薩克圖 回回

附黑龍江流域民族

庫野 費雅喀 恰克拉 七姓 赫哲

卷三

禮俗

婚禮

喪禮

祭禮(家祭(一)例祭(二)忌日祭)

慶賀

弔奠

祈禳 薩瑪教考